

Atsékrafīms

Pakīriejē pēlkas, niaurēs mintīs
Pakīriejē nespalvuotē sapnā...
Nosētvieriau pērštū galās
Baltū jūras porslū vierini...-

Kažkor žaliuo gelmie sodejava
Žēlvēna apleista Baltējēs laumē.
Vēituo gintara i pavēršio kielies
Tomse žalē dumbla garbanas.

Vies, papūtēs stūorus žondus,
Stūmē tēršta mēgla tēisē i akis.
Aitvars, nu oudēguos nutrūkēs,
Nuskīnē dūšēlē dongaus vēdurie.

Svetēma bieda skausma nesokielē,
Ēšsēnieriau ēš panēžosē kailē...
Pasēgavēs skeltoudegē blezdīnga,
Nuliekiau ēiškuotē vakarīkštē medaus.

Ēr neblēka gelsvuo smiltiū kninguo
Īronītū mona piedū paslaptīngu žēnklū...
Saulē rītuo, rēsdamuos par gaivi dongo,
Džiaugsēs, nebmatīdama mona ševeliūras.

Kažkas naus pareis i mona apleista vēita
Ēr draugaus so saulē lig tuos dēinuos,
Pakol viel rītuojos praras sava gera kaina.